


84  
Л45

Ленин йылісь  
рассказзэз

КОМИПЕРМГИЗ  
Кудымкар 1939



084.13=94.5

Зк25

№45

1949 г.

# ЛЕНИН ЙЫЛІСЬ РАССКАЗЭЭЗ

0136.459-6

~~БИБЛИОТЕКА  
№ 764  
Номи - Пермского  
краеведческого музея~~

~~НАУЧНАЯ БИБЛИОТЕКА  
ТАТРЕСПУБЛИКИ  
ТАТАРСТАН  
ОИЛИ ИБЕРХАНЗЕ~~

КОМИПЕРМГИЗ  
Кудымкар 1939

Кудымкарская  
МЦБС  
Пермской области

8 /  
БРОШЮРА

Перевод *М. Пономарева*  
Редактор *Н. Спорова*

Техред. *С. Грибанов*  
Корректор *Ф. Яркова*

---

Упол. Пермобллита № 743. Заказ № 167 Тираж 2000.  
Сдано в набор 16-VI-39 г. Подписано к печати 10-VII-39 г.  
Формат бумаги 62 x 94<sup>1</sup>/<sub>32</sub>. Печатных листов 1.  
Авторских листов 0,5.

---

г. Кудымкар. Тип. Коми-перм. Окргосиздата

## Кыз Федосья Никитишна Ленин дынын вөлөмө

Миян айным вөлі крыша вевттись, уджаліс Смольнойын, да самөй революция одзас куліс. Сідзкө и жалованнёе сылөн кольччис получиттөм. Лоис временной правительство, мамө муніс корны деньгасө, бертіс стыдөн. Сылісь өтікө только и юалөмась:

— А тэ, бабка, адззывлін, кызд лягушкаэз чеччалөны?

Төлыс миянөс ыжмитіс, мамө и шуө:

— Быдөнныс Ленинөс өні ошкөны, не ветлыны я меным Смольнөяс?

Кытшөмкө асылө чеччам— старуханым абу. Думайтaм— вичкуын обедня дорын, а сія Смольнойө мунөма... Вот и думай-



тө! Ветлөтис, ветлөтис сэгчин кабинеттэс кузя, да Владимир Ильичыс дынө и сюрис... Гижө сія, да конфетөн көдзыт чай юө...

Сія эз и думайт, что эта ачыс Лениныс,—сэк портреттэс сылөн етша вөлісө,—и юалө:

— Тэ, сударь, гижшан али делөэз видзөтлан?

Ленин шынныштис:

— Кыдз ковсяс, сударыня. А тэныт мыйлө?

— Менө отирыс Ленин дынө ыстөны, Владимир Ильич дынө. Шуөны, тэнчит делотө, Федосья Никитишна, быдөс начальниккесис өтік Ленин только вермас путшөтны... А ме видзөта тэ вылө, кытшөм перыта тэ гижшан, и думайта:

„Кытшөм бура грамотнөй господин! Натьтө, не умөль начальниккесиз коласись“... Кысь меным Ленинсө кошшыны, тэ меным поди отсалан?

Спокойнöя пуксис да дженытика бы-  
дöс и висътасис.

А Ленинлөн синнэс сэтшöм гажаöсь  
лоисö, сералö:

— Былись, Федосья Никитишна... Ле-  
нинтöг керсям.

Корис сотрудникöс, запискаок сетис:

— Ёрт, чожазык лöсьötö Федосья  
Никитишнались делосö.

Мамö локтис гортö и деньга вайис:

— Смольнöяс быдöс начальниккес бу-  
рöсь! И Ленинтöг делосö керисö.

А месяц бöрти вайис рынокись фoто-  
графическöй карточка:

— Вот, неби сийö начальниксö, кöда-  
кöt кабинетас пукалi...

Мийö видзötим, да сiдз и горötим:

— Мам, да эд эта Лениныс и вöлö-  
ма!

*Гижöма 1928 годö Севернöй  
кöрттуй вагоннын.*

## Пугвича

Миян дынө заводө локтө Ленин. Меным горөтлөны:

— Наторова, тэ примитан сылісь пальтосө!

Клубын жар. Ленин пондіс баитны. Чапкис пальтосө стул вылө. Ме квати—да гардеробнөйө. Адзза, шульга полаас шөрись пугвичаыс абу. Ме аслам гунькаись орөті пугвича да Лениныс пальтоө и вури кыз сунисөн, медбы дыр кежө. Сія муніс, эз и казав. А пугвичаыс невна не сэтшөм. И сэтшөм меным бытшөм, а некинлө ассим секретөс ог висьтав.

Эта бөрын кадыс чулаліс унакодь. Муна Литейнөй кузя, а „Феникс“ фо-

тографияын öшынас, Ленинлөн ыждö-  
тöм портрет. Пальтоыс сы вылын самöй  
сия и эм. Ме öддöнжыка видзöти, а пуг-  
вичайс самöй сия—менам пугвичайс!

Эта жö тöлö Лениныс кулис. Ме судзö-  
ти фотографияись Литейнöйын заветнöй  
портретсö.

Сия менам öни рамкаын, зеркалö ды-  
нын öшалö.

Быд луно сибötча, видзöта да горза.

А пугвичайс менам вурöма...

*Гижöма 1927 годö город Ар-  
хангельскын гортся хозяйка—  
Наторова висьтасьöм сьöрти.*

## Гортэчись

Вөлі мяян өтік морт, Бендерин фамиллёа. Сельскöй хозяйство уджын сiя кужие керны быдöс: горрез тэчис, джаджжез, доддез керис.

Öтпыр сiя мунис вöрокö и вот пилитö сэтчин клён. Пилитö сiя клёнсö, и друг кылö:

— Бур лун!

Бендерин, конечно, дзарнитіс. Видзöтö—сулалö кытшöмкö мужик.

Бендерин сылö шуö:

— Виноват,—шуö,—ваше высокоблагородие.

А мужикыс эта паныт сылö горötчис:

— Ме,—шуö,—не ваше высокоблагородие. Ме,—шуö,—ёрт Ленин.

Бендерин бөра сылө шуө:

— Извенит,— шуө,— ёрт Ленин.

— Но, пилит, пилит!

Ачыс муніс, сувтіс бокө. Видзөтө, мый сія одзлань пондас керны. Керыс сә-тшөм сьөкыт, кыдз сія сійө вөвтөг де-ревняас кыскас?

Бендерин меряйтис пилаөн, мый кузяө сылө коліс, пилитис да тарөвтөмөн лә-дзис керөс вылісянь. Сыбөрын бөра бер-тис, бөра пилитис.

Ленин сылө шуө:

— Тэныт, можот, отсавны?

— Оз ков, мый тэ! Ме и ачим ештөтча.

Өні мөдік кад. Самөй ытшкисян кад. Сія жө самөй Бендерин мунө вөрокө, бөра материал вайны.

Пилитис сія клён нето кыдз, вуджис ю и пуксис шоччисьны. А дело вөлі рытьяв кад ни.

Вот пукалө сія, видзөтө—видз вы-лөттяс мунөны куимөн.

А сія, эта Бендериныс, лөг вөлі мужикыс. Горөтлө нылө:

— Мый тійө сэт шатласят? Төдатө, мый дона өні туруныс?

И видіс нійө... Сибөтчөны матөжык, өтыс ны коласісь и шуө:

— Ок, старичок, кыз тэ видчан!

Сэтөн Бендерин сійө төдіс:

— Виноват,— шуө,— ёрт Ленин!

Локтіс төв. Гортэчиссез вөлісө етша.

Пукалө Ильич аслас керкуын и юалө:

— Абу я сэтөн деревняс гортэчись, өддён ни мян горыс тшынөтө?

А сэтчин Бендеринөс төдісө, что сія гортэчись.

— Татөн,— шуөны,— эм өтік гортэчись.

И мунісө вайөтны сійө.

Интересно...

Локтөны сы ордө рысаккөзөн кык военной морт, пырөны керкуас и юалөны:

— Тэ гортэчись?

А сїя гор вылын куйліс. Өшөтис сэт-  
чинсянь юрсө да шуис:

— Ме.

— Лөсьөтчы, мунам совхозө!

Да...

Сідзкө, эта Бендерин лихорадочной  
состояннён. И шуө аслас инькалө:

— Но, Катюха, прощай. Сэсся мийө  
тэкөт огө адззисылө. Натьтө, менам важ  
видчөммезө Лениныслө төдвылас усисө.

Пуксис эна военнойезкөт, мунис сов-  
хозө.

Локтис. Петис сы дынө Ильич и шуө  
сылө:

— А ме тэнө, старичок, төді! Этө тэ,  
— шуө, — вөрөкас клёнсө пилитін, а сы-  
бөрын мөдпырсяс видз вылас менө пов-  
збөтыштін?

Бендеринис повзбөмсяняс нельки шо-  
гавны пондіс.

— Виноват!— шуө.

А Ленин сылө паныт:

— Но, этаись нем абу. Видз вылас тэ правильно менö видыштін, а ме неправильно кери, что видз вылөттяс муни. А öни мийö тэкөт баитыштам, мыйлө ме тэнö кори. Менам тэ дынөдз ыджыт просьба. Адззан, кыз ме ола? Тшынсяняс быдөс стенаэс съөдөтисö. Тэ верман трубкасö лөсьötны?

— Верма,— шуö.

Сэтөн Бендерин корис глина, кирпич и кутчис удж бердö.

Кончитис сяс уджсö, Ильич висьталис сылө спасибо, вештис мымда колис да пуксьötис öтлаын чай юны.

Вот сыбöрын Бендерин рысаккөзөн локтис гортас и важнöя шуис иньыслö

— Катюха, а ме ёрт Ильичлö гор лөсьötи и чай сыкөт юи!

*Гижöма февраль месяцö 1937 годö Подольскöй районись Московскöй областись Горки деревняын Алексей Михайлович Шурьгин висьтасьöм съöрти.*

## Пантасьом

Меным сэк вöлі дасөтік нето даскык год гөгөр. Мамө менө ыстіс Ямө<sup>1</sup>—Горбач лавкаө. Миян дынсянь—верста нель. Муна ме. Менө вөтө морт. Вывтас кожаной тужурка, юр вылас кепка.

Юалө:

— Тэ, нылочка, кытчө мунан?

— Ямө, Горбач ордө пизыла.

— Мыля тэ Горбач ордө мунан? Мун кооперативө, сэтчин донтөмжык.

— А кытөн кооперативыс? Ме ог төд. Сія висьталіс меным, кытөн кооперативыс, а ачыс муніс Горкиө.

Неделя бөрті велөтісь Клавдия Николаевна шуө меным:

---

<sup>1</sup> Ям—Горки дынын деревня, кытөн оліс Ильич.

— Мунам, Наташа, Горкио.

— Мыйлө?

— Менам сэтчин тődса эм. Сія больницаын уджалө.

Но, ме ськөт муні.

Видзөта — локтө сія жө мортыс.

Сія менө сразу төдіс, сибөтчис да юалө:

— Но, приятельница, кьтись тэ пизьсө босьтін?

Ме шуи:

— Кооперативись.

Сія серөмтчис да муніс.

Көр сія муніс, Клавдия Николаевна висьталіс меным:

— Наташа, эта Ленин!

*Гижөма февраль месяцө 19.7 годө Подольскөй районісь Московскөй областись М. Брянцы деревняын, сельсоветіс секретарь 25 годся Н. Сулова висьтасьөм сьөрти.*

## Мошшез

Уджали ме пасекаын и друг адзза:  
киэзнас акация вожжез паськӧтышлӧ-  
мӧн локтӧ Ильич.

Ме уськӧтчи сы дынӧ:

— Владимир Ильич, сулав! Ме сета  
тэныт сетка, мед мошшес тэнӧ эзӧ чуш-  
калӧ.

А сӧя меным шуис:

— Менӧ ӧтік мош оз вӧрзьӧт.

И былись: Владимир Ильич сӧдз ку-  
жӧмӧн мунис,—ӧтік мош сӧйӧ эз чушкы.

Сӧк ме сылісь юалі:

— Владимир Ильич, висьтав меным:  
кыз тэ адззин менчим хозяйствоӧс?  
Тэ эд мунін не шоссе кузя, а кежин  
видз вылӧ да сайись туй вылӧттяс лок-

тин ме дынө пасекаас. Кин тэныт мыч-  
чаліс этө туйсө?

Владимир Ильич серөмтчиэ:

— Ёрт Скоромыслов, менө вайөтисө  
тэ дынө эта туй вылөт тэнат уджаліс-  
сет—мошшез. Көр ме муні видз дынся-  
няс, ме адззылі лэбалісь мошшезөс—лэ-  
балісө өтмөдөрө. Этө ния и вайөтисө  
менө пасекаыс дынөдз.

Ме, көр кылі этө, өддьөн дивуйтчи.

— Владимир Ильич, тэ великөй ге-  
ний! Нельки ме, мошвөдитөм сьөрти ин-  
структор, пасека вылө мунтөн эг бы  
догадайтчы мошшезлісь юавны туйсө!

*Гижөма 1937 годө Подоль-  
скөй районісь Московскөй обла-  
стись Ям посадын 63 годся Ге-  
оргий Васильевич Скоромыслов  
висьтасьөм сьөрти.*

# БРОШЮРА

Гось<sup>1</sup>

0736.459-61

В. П. Малафьева. Кадыс вöлі сьöкыт  
—война, неурожай, товаррез эзö вöлö,  
йöрнöс вылö—и то некытись босьтны.  
Керосин ваявны эзö пондö,—кöть сар-  
тас öзты. Кулаккез, конечно, каттисö  
ассины: антихристовöй кад пö лок-  
тис.

Но народлön вöлі сэтшöм чувство:  
кöть миянлö öнi кöдзыт, тшыгьялöм да  
пемыт, а советскöй власть ассис дока-

<sup>1</sup> Ноябрь 14 лунö 1920 годö Владимир Ильич Ленин  
öтлаын Н. К. Крупскаякöt вовлис Кашино деревняö  
осьны электрическöй станция. Эстөн Ильич сёрнитис  
крестьянакöt, а сьöбрын выступитис митинг вылын,  
висьталис речь, кöдаын юörtис Врангель\* вылын Крас-  
нöй армиялись победаэз. Ильич вовлöм йылись этö  
расеказö гижисö Волоколамскöй районись Москов-  
скöй областись Кашино деревняись колхозниккез; 60  
годся Алексей Андреевич Ашмарин да 72 годся Ва-  
силиса Павловна Малафьева висьтасьöм сьöрти.

1\*.

№.....

764

17

Кудымнарская  
МЦБС  
Пермской области

Исми - Пермьского  
краеведческого музея

житас. Кончитчас война—бура пондам овны.

Ог тōд ни ме, мыйсянь пондōтчис, только быдōс лэбтисисō: давайте аслыным свет керам. Сергей Курков пондис денга ѳктыны. Мукōдыс веритисō, что асланым свет лоас, а кин и эз верит. Кулаккес—ниа сералисō.

Но мийō керим, мый думайтīm.

Сарайō машина сувтōтīm, керкуэзō проволока нюжōтīm: ѳни ѳзъяс кызз городын.

Ог тōд ни ме, мыйсянь эта пондōтчис, только пондисō баитны: „Миян дынō Ленин локтō!“ Ох батюшкоэз, неужли Ленин! Эд ѳни понятиеис лоис мōдик, а сэкса кадō кызз сы йылись ивкэс думайтисō, бытьтō сия царь туйō. Мукōдыс веритисō, что сия миян дынō локтас, а кин и сералисō: натьтō пō сийō только Лениныс и видзчисис, мед Кашинойō мунны!

Но сё жö видзчисям. Босьтiмö Марья Никитишна Кашкиналiсь керку, обиходитiм сiйö, и кöть кадыс сьöкыт, но отирыс вайöны—кин курöжок, кин яб-локкез, кин виок... Ме студень лöсьöтi. Мöдиккез брага керисö.

*А. А. Ашмарин.* Тöда эшö: ыбöс дынас вешалка лöсьöтiмö, а сэтчö сувтöтiмö здоровöй мужикöс—швейцарын одзжык служитiс,—закажитiм, мед босьтiс Ленинлiсь гуня, шапка, кыз эта городын керсьö.

*В. П. Малафьева.* Быдöс лöсьöтiм, быдöс сувтöтiм, а сiя сё абу да абу. Друг кылам—машина локтö.

*А. А. Ашмарин.* Не друг. Мийö öтöрын сулалiм. Кылам—деревня концецын челядь пондiсö шумитны,—этö Ленин осьтiс машина ыбöсоксö, корö ас дынас челядьсö:

— Кытөн сэтөн тiян электрической станция?

А челядыс шуоны:

— А пуксьот—мийё тэныт мыччалам.  
Пуксьотіс сія машинаас челядысё, лок-  
тісё...

*В. П. Малафьева.* Пырис ськёт На-  
дежда Константиновна Крупская, а ми-  
ян швейцарным сибётчис да и шуо:

— Пожалуйте, ёрт Ленин.

А Лениныс сылө паньт:

— Нет, разрешитө меным аслым чөвт-  
чыны.

Эз лэдз вывтсис гунясё чөвтны, ачыс  
чөвтіс.

Вот, быдөнныс полөмөн моз да вол-  
нуйтчөмөн сибётчисё сы дынө. А Ле-  
ниныс сэтшөм приветливөя чукуртышлө  
синнэсё, быдөнныс вылө видзөтө, бы-  
дөнныслө ки сетө. Пуксим. И мужиккес  
быдөнныс пуксисё. Медодз вайоны сы-  
лө кружкаөн брага, кыз дона гөсь-  
лө, желаннойлө. Босьтіс сія кружкасө,  
шуо:

— Не тагья?

— Не, Владимир Ильич, тагсö эгö пунктö.

Юис, уссесö чышкис:

— Бур!

Студенёкöс менчим сылö вайисö:

— Ыджыт,— шуö,— кусöкыс!

Но, быдөнныс видзötöны сы вылö, и быдыс дивуйтчö: „Батюшкоэз, да кытшöм сiя бур мортыс! Простöй да обходительнöй, и басни вылас кытшöм охотнöй!“

*А. А. Ашмарин.* Басниэс йылись ме висьтала. Вöлисö сэтөн басниэз нянь разверстка йылись. Мужиккез норасисö: огö пö тödö мымда пондасö босьтны хозяйствосьянь. Этасьянь мукöдыс етшажыкөн пондöны кöдзны. Кöбы тöдисö, буржык бы вöли. Товаррез абу. Спекулянттэз явитчисö, сiйö только и видзötöны, кызды мортыс вылись кучиксö кульышны,— эта вылö норасисö жö.

Вөлісө и сэтшөмөсь, көдна сё воль-  
көтісө: быдөс пө муно бура, ёрт Ленин.  
А эта сылө эз гленитчы: миянлө пө  
правда колө төдны, а бөбөтчөмыс оз  
ков. Көдна баитисө веськыта и бур йы-  
лісь и умөль йылісь, нійө Лениныс кыв-  
зіс ыджыт вниманнён.

И пондісө сэтөн сьөлөмсянь баитны.  
Гөрөм йылісь юасис, вартөм йылісь,  
мирскөй делөэз йылісь. Тракторрез да  
машинаэз йылісь юөртис: чожа пө ма-  
шинаэзөн пондам уджавны. Көсйис ы-  
тыны трактор да вартан машина.

Вот пондіс пемдыны, уездісь локтіс  
фотограф. Шуө:

— Ёрт Ленин, чожа пемдас, а меным  
заданнё сетисө: обязательно снимайтны  
отирсө отлаын тэкөт.

Быдөнныс отөрө петисө. Челяддыс өк-  
сис—кымөр! И быдөнныс—и старухаэз,  
и зонкаэз, и челядөккөз—норовитчөны  
пуксыны матөжык Лениныс дынө.

Снимайтчим, мунім митинг вылө. Челядэкыс гөгөртисө Ленинсө, шумитöны, а сiя сералö:

— Но, кыздз? Закон божжейсö öнi велöтат?

Челядыс горöтлöны:

— Öнi закон божжейыс абу! И еныс, дядя, абу! Этö кузь юрсиа попpez енсö думайтöмась!

Лениныс эшö öддьöнжык сералö.

Митинг вылын сiя баитiс дженытика: война кончитчас, ранаэсö веськöтам и пондам мунны одзлань. Вильмоз пондам мусö уджавны, вильмоз строитны олансö. Самöй главнöйыс,—медбы крестьянаыс мунисö öтлаын рабочöйезкöt, видзисö дружба, а рабочöйезлөн да крестьяналөн союзыс сэтшöм вын, кöда быдöс победитас и быдöс мый колö строитас!

*В. П. Малафьева.* Быдöс одзлань тöдiс. „Уджыс,—шуö,—кокнямас“. А разь

не сідз лоис? Көть лён босьтны! Эд  
нярьяннэзён нярьявлім, а öнi—вон кы-  
тшөм машинаэз вайисö колхоззэзас!

*А. А. Ашмарин.* Недыр мыйись сiя  
иньдiс миянлö трактор и вартан маши-  
на. Но не Эстезэ<sup>1</sup>, конечно, и не челя-  
баöс, а фòрдзон. Мöдиккез сiя кадö эзö  
вöлö. Гöрны тö мийö сийön тракторнас  
гöрим, но думайтiм: „Миян ыббез пон-  
да машинаыс оз лöсяв. Дзескыт сылö  
миян дынын: межаэс мешайтöны“.

Владимир Ильичыс, конечно, тöдiс,  
что межаэзнас миян задача петас! Трак-  
торыс пö мужиклись умсö лэбтас, и бы-  
дöс важся оланыс берездасяс. Кöр сiя  
миянлö кöсйис трактор иньдыны, то  
висьталiс:

— Иньда и ачым эшö öтпыр вовла.  
Видзчисимö мийö сийö.

А сыбöрын мый лоис—рытьявлас по-  
лучитiм извессё: „Владимир Ильич ку-

<sup>1</sup> Эстезэ—Сталинградскöй тракторнöй заводiсь трактор.

ліс“. Пемыт ни вöлі. Пондісö отирыс сьöрсьөн бöрсьөн öксьыны öтласа керкуö. Пырас, босьтас шапкасö, здоровайт-час:

— Неужто, мужиккез, былль?

*В. П. Малафьева.* Женскöйес чукöртчисö öтлаö. Мукöдыс озö веритö: „Можот, не правда,—сiя эд крепыт эшö вöлі“.

А мый не правда, кöр Курков газеткаөн локтіс:

— Куліс. Кора сувтны!

Мöдö сьывны, а горшас мыйкö сибдіс, и сэтөн женскöйес быдөнныс пондісö горзыны...

*А. А. Ашмарин.* Пондім мийö сэтөн советуйтчыны: „Колö морттэзöс Москваö иньдыны“. Постановитім ыстыны Курков Сергейöс да Радионов Дмитрийöс.

Мунісö нiя. А кулацкöй подсумоккес и сэтөн пырöны асланыс провокацияөн: „Ой да ой, қыз бы öнi советскöй

властьыс эз пөр“. Но, сэтөн народыс ны вылө өддён лөгасис: „Бөбөтчат, паразитнөй гаддэз! Оз ло эта, мед советскөй власть пөрис! Ленин кулис—вернөй морт сийө вежас“. Сэж мийө эшө эгө бытшөмика төдө ёрт Сталинсө. Но чорыта төдём, что сэтшөм мортыс обязательно эм.

*В. П. Малафьева.* Но, и быдөс вежсытөг чулалис, көть и уна беддесө колесоэзас суйлисө. Сөжө вежсытөг чулалис, и пондис и пондис мунны! Колхознөй туй вылө петём.

Өнi мян сто тракторся унажык, да вартан машинаэз, да пыркөтчан машинаэз, да нярьясян машинаэз...

Породистөй мөссэзөс заводитём... Сэж өтик электрическөй свется нем вөли мычавны Лениныслө. А өнi—кытчө тэ! Отирсис и лётчиккезө петисө, и инженеррезө, и докторрезө. Менам вит нучок—и быдөнныс велөтчөны.

А. А. Ашмарин. Ме ас йывсим вись-  
тала, кӧть мышкам менам и кватьдас  
год. Сеті ме обязательство быдтыны  
дас ӧтік центнер лён-кудель да тонна  
кӧдзыс. Важся кадӧ сералисӧ бы ме вы-  
лын: бӧбсяліс мортыс! А ме почвасӧ  
иньді анализ вылӧ и получитьі рецепт:  
ковсьӧ пыртны суперфосфат, фосфори-  
стой пизь, калийнӧй сов, пӧим да се-  
литра.

Судзӧті ме быдӧс этӧ. Кӧдзи не ӧтік  
рядӧн, а поперегалӧмӧн. Организуйті  
весӧтӧм. И сеті унажык, нежели кӧсйи.  
Важся кадӧ колдунӧн бы шуисӧ, а ӧні  
некин оз и дивуйтчы.

Ленин да Сталин миянлісь олансӧ  
сідз лӧсьӧтісӧ, что колхознӧй мортыс  
быдӧдз локтӧ.

## Ильич куліс

Ме эта кадö юи чай. Менам пöрись-  
жык зон Василий Георгиевич котöрөн  
пырис ме дынö:

— Ая, Ильич куліс!

Эта вöлі январь 21 лунö кватъ час  
витдас минутаö: Владимир Ильич эз ло.

Менам блюдцеыс усис кисим, жуга-  
ліс. Кыдз кöдзыт ваөн кисьтіс вывты-  
рöс, сыбöрын жарö чалкис...

Кватиті гуня, шапка. Эта ойö самöй  
ме ордын узисö Кузьминск посадись  
Старшинин воннэз. Нія волнуйтчыны  
жö пондісö.

Ме шуа нылö:

— Мунамö Горкиö.

Меным Старшинин воннэз шуöны:

—Сэтчин озö лэдзö.

Ме шуа:

—Мунам, котöртам чожжык!

Кöр лöктим, öтöрас охрана сулалö. Пырим. Некин нем эз висьтав. Комнатаын куйлö Владимир Ильич, пасьтöтöм коричневöй рöма паськöмö, юр дынас почётнöй караулын старичок сулалö. И эшö коккес дынын сулалис пася пöриськодь женскöй.

Ме ог тöд, мый мекöт вöли, ме горзи:

—Владимир Ильич, тэ кулин одзöv!

*Гижöма февраль месяцö 1937 годö Подолькöй районись Московскöй областись Ям посадын, 63 годся Г. В. Скоромыслов висьтасьöм сьöрти.*

## Кык сокол

Кытөн дуб зелёной  
И паськыт просторыс,  
Вынаоёсь кык сокол  
Баитисё горён.

Соколлэсё энё  
Отырыс казяліс:  
Первёй сокол—Ленин  
Мёд соколыс—Сталин.

Первёй сокол—Ленин  
Мёдыс вөлі Сталин,  
Ны гөгөр лэбаліс  
Соколёнок стая.

Ой кыздз первёй сокол  
Мёдыскёт прощайтчис:


Медбөрьяись кылөн  
Сы дын обрацайтчис:  
„Час локтіс янсавны,  
Сизöй сокол менам,  
Öнi удж—забота  
Дöс эд усьö тэныт“.  
„Тэ вунöт тревога—  
Мöдыс сэк висьталіс—  
Тэныт сетам клятва:  
Бокö ог ылалö!“  
И оланö пыртіс  
Клятва боевöйö:  
Счастьеаөн керис  
Дöс страна роднöйö.

*Гижöма г. Кивын. „Ленин-  
скöй кузница“ заводіс корпус-  
нöй отделіс рабочöйез висьта-  
сьöм сьöрти, Вуджöтöма ук-  
раинскöй кыв виліс.*

## Пытшкӧс.

Кыз Федосья Никитишна Ленин дь- нын вӧлӧма . . . . .	3
Пугвича . . . . .	6
Гортӧчись . . . . .	8
Пантасьӧм . . . . .	13
Мошшез . . . . .	15
Гӧсь . . . . .	17
Ильич куліс . . . . .	23
Кык сокол . . . . .	30





Цена 20 коп.

27051

Рассказы  
о Ленине

*На коми-пермяцком  
языке*